

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), poglavlja III stav 1. tačka 24. Smjernica za uspostavu i jačanje interne kontrole kod budžetskih korisnika („Službene novine Federacije BiH“, broj 19/05) i Odluke o odobrenju prava na korištenje reprezentacije Vlade Kantona Sarajevo od 04.03.2009. godine, ministar za boračka pitanja Kantona Sarajevo donosi

**P R A V I L N I K**  
**O POKLONIMA I REPREZENTACIJI DRŽAVNIH SLUŽBENIKA I**  
**NAMJEŠTENIKA U MINISTARSTVU ZA BORAČKA PITANJA KANTONA**  
**SARAJEVO**

**Član 1.**

Ovim pravilnikom, u skladu Etičkog kodeksa za državne službenike u Federaciji Bosne i Hercegovine („Službene novine Federacije BiH“, broj 7/05) i drugim propisima i aktima, uređuju se troškovi reprezentacije i ugostiteljskih usluga, davanje i primanje poklona državnih službenika i namještenika od strane drugih osoba u Ministarstvu za boračka pitanja Kantona Sarajevo (u daljnjem tekstu: Ministarstvo).

**Član 2.**

Pod troškovima reprezentacije i ugostiteljskih usluga podrazumijeva se:

- usluge za održavanje radnih sastanaka i druženja,
- prijem u Ministarstvu predstavnika drugih organa državne uprave, drugih pravnih subjekata i stranaka,
- pokloni koji se, u ime Ministarstva, poklanjaju osobama iz alineje 2. ovog člana, za obilježavanje vjerskih i drugih blagdana kao i drugim povodima.

Troškove iz stava 1. ovog člana odobrava ministar Ministarstva.

**Član 3.**

Visinu troškova iz člana 2. svojim aktom može ograničiti Vlada Kantona Sarajevo.

**Član 4.**

Odlukom Vlade Kantona Sarajevo, ministru Ministarstva odobreni su troškovi interne reprezentacije u „bife-ima“ – čajnim kuhinjama sa dozvoljenim mjesečnim troškovima do 200,00 KM.

Ukoliko se javi potreba za većim troškovima interne reprezentacije od iznosa koji su predviđeni stavom 1. ovog člana, dodatna sredstva mogu odobriti samo Predsjedavajući Skupštine ili Premijer Kantona Sarajevo.

Odobrenje dodatnih troškova interne reprezentacije vrši se isključivo u pisanoj formi.

## Član 5.

Stručna Služba za zajedničke poslove Kantona Sarajevo omogućava korištenje interne reprezentacije kroz dodjelu odgovarajućih bonova, koji trebaju onemogućiti prekoračenje dozvoljenog limita troškova reprezentacije.

Neurošeni bonovi za jedan mjesec mogu se prenijeti za sljedeći mjesec.

Preraspodjela troškova korištenja interne reprezentacije u „bife-ima“ – „čajnim kuhinjama“ je u nadležnosti ministra Ministarstva.

## Član 6.

Troškovi interne reprezentacije terete poziciju Stručne službe za zajedničke poslove Kantona Sarajevo.

## Član 7.

Državnim službenicima i namještenicima u Ministarstvu zabranjeno je primati ili zahtijevati poklon ili drugu korist, bez obzira na vrijednost za poslove koje obavljaju ili za bilo koju pruženu uslugu u vezi vršenja državne službe, odnosno obavljanja službenog posla.

## Član 8.

Pod poklonima, koji se primaju u Ministarstvu podrazumijevaju se pokloni koji su dobijeni od strane trećih osoba, koji imaju novčanu vrijednost, a uključuju novčana sredstva i usluge.

## Član 9.

Ovaj Pravilnik stupa na snagu narednog dana od dana donošenja.

Broj: 06-02-6703/10

Sarajevo, 31.03.2010. godine



MINISTAR

Hajrudin Ibrahimović